

四明叢書

張宗祥



宋元學案補遺卷首

後學 鄧王梓材 同輯

宋元儒學案序錄附識

慈谿馮雲濠

謝山鮎埼亭詩集舟中編次南雷宋儒學案序目詩

閩洛源流在叢殘細討論茫茫溯薪火渺渺見精魂

世盡原伯魯吾慚褚少孫補亡雖兀兀誰與識天根

梓材謹案鮎埼亭詩集重定黃氏留書詩證人一

辦遺香在複壁殘書幸出時如此經綸遭世厄柰

何心事付天知猶聞老眼盼大壯豈料餘生終明

夷疇昔薪傳貽甬上而今高第亦陵遲此詩蓋作

於乾隆十三年主戢山講席時前年猶修學案故

於黃氏書每耿耿云又案主阮亭居易錄二十七

一四明叢書

卷之四 續補案

約園刊本

云七月餘姚縣處士黃宗義卒年八十四時蓋康熙三十四年乙亥至乾隆十三年已越五十有三

矣

雲濠謹案鮎埼亭詩集卷四仲春仲丁之灌浦陪祭黎洲先生詩云黃竹門牆尺五天瓣香此日尚依然千秋兀自綿薪火三徑勞君盼渡船酌酒消寒欣永日挑鐙講學憶當年宋元儒案多宗旨肯令遺書歎失傳謝山自注云時臨之屬子續成先生宋元學案又卷九灌浦鄭氏秋丁祭黃子詩云黃子澤五世於今已一絲閣下木樨花秋來放幾枝嗟我勵私淑未得揖讓於其時據此二詩知謝山嘗私淑黎洲又見其倦倦於修補學案焉

### 盱江學案

### 潘王諸儒學案

澹庵學案

微之學案

定宇學案

仲子學案

東山學案

滄水學案

梓材謹案盧氏所藏學案底本標題劄記有諸學  
 案名目今據謝山定次序錄皆當附入百卷之中  
 盱江入高平學案潘王諸儒入龜山學案澹庵入  
 武夷學案微之附入劉李諸儒學案定宇入滄洲  
 諸儒學案仲子入北山四先生學案東山  
 入草廬學案滄水則附屏山鳴道集說略

附陳石士師宋學說

古今言學者眾矣同源殊流紛然各出綜其大端不越三者程子所謂文辭訓詁儒者是也事文辭者或馳於爲人事訓詁者或至於無用故程子以爲仔肩道統非儒者之學莫屬

上韓理堂先生書

自漢以來功利之私承秦餘習泯泯焚焚無所寧止世之學者棄康莊而趨曲徑徇一得而昧大同孔孟之學是以不著於天下其閒董子以正誼明道之說救正人心而漢之學始一振越數百年韓子以仁義道德之說

攘斥佛老而唐之學始一振又越數百年周子言止靜  
二程子言格物致知存誠主敬俾學者有所從入之地  
而宋之學於是大振迄宋南渡子朱子紹周程之統其  
爲說也尤詳以備而千聖之學得周程而大振者賴以  
不墜數百年閒代不過一人數千年閒不過數人焉耳

上韓理堂  
先生書

學莫貴乎得其本通經學之本也知通經則得其本矣  
是故古之學者三年而通一經其爲時之久如此也旁  
求之諸子百家傳記方言小說靡不參互攷訂以求一

當其所務之博又如此也時既久故思慮有所必通務  
既博故有以濟其聞見之所不及漢之儒者莫不從事  
乎此及其弊也穿鑿傳會之失益滋則反昧於為學之  
本宋儒揭其本以救之而及其弊也空疏無據之病復  
起故今之學者以漢學相倡和而考據之精冠於前代  
其著書立說馳聲譽於海內者肩相望而踵相接也

侍御書

用光嚮頗不喜惠定宇明堂大道錄比見翁覃溪先生  
與胡稚君書亦以此為畔道之作所當辭而闕之者覃

王上

溪先生又言與其過信漢儒毋寧過信宋儒此非今日

諸儒所能爲之言也

寄姚先生書

立言之道非周公孔子曾子子思孟子莫屬自漢以來  
惟程朱諸儒誠有以紹絕學之功是以可謂之立言焉

與魯賓之書

姬傳先生嘗謂義理考據辭章三者不可缺一義理考

據其實也辭章其聲也

與魯賓之書

且吾師之所謂攷證豈世之所謂攷證乎用光嘗因吾  
師之說而推以合乎宋儒格物致知之學蓋公之言學



者咸以適用爲要矣而攷其見諸事者或失則重或失則輕或畸輕而畸重或前重而後輕欲興利而不知利之所由興欲去害而不知害之所由去機有由伏莫省其度流有必濫莫塞其源苟詡其見之所及而不知不合乎古人永終知敝之道其原由於知之不致故意不能誠而事不能辨也以是格物致知之說不可易而循吾師攷證之說則於宋儒之學未必其無所合也復賓之書昔姬傳先生與吾書云讀宋儒書是致知工夫此語從未經人說過卻極精當耐人玩味與伯芝書

孟子曰博學而詳說之將以返說約也又曰君子深造  
之以道欲其自得之也近時爲漢學者栩栩詳說之功  
而鮮返約之思其爲宋學者或又徒勦襲語錄之緒餘  
而無自得之實二者交譏而未有以相勝也勉學堂記  
夫學必本宋儒而後其處心也無私其制事也有道南池

文集  
序

當望溪時士猶尊宋學雖有一二聰明才辨之士或以  
宋儒爲詬病然其流猶未盛訖今日而出主入奴顯相  
排斥迺逸迺諺標漢學以相誇者不啻晉人之清言矣

先生獨推尊宋儒以相救正雖海內學者未必盡相信  
從然宋儒之所以有功於聖門者賴先生而益明姚姬傳先

生七十  
壽序

蓋自湯文正陸清獻以宋儒之學興於國初雖其所從  
入於朱陸者各異途而立身制行皆闇然為己無標榜  
以為名者然清獻尚兢兢守程朱家法懼世之為陸王  
者師心自用以為學術患集中學術辨及與湯文正書  
是也自為漢學者興而世乃樂以宋儒為詬病矣韓理堂先  
表生墓

世之爲漢學者咸訾宋儒汪學士廷珍爲余言慎修江氏闡述宋五子之言凡數十卷世未之見也顧僅傳其考證之書世之尊江氏非能尊江氏者也夫人之力學爲名高耶行不若宋儒而訾之以爲名烏足以言學

臧和

貴傳

道學非可以爲名有宋諸大儒亦未嘗自名爲道學使周程張朱生於漢時司馬氏必特著之曰周程張朱列傳觀於孟荀列傳可知矣今錫鬯氏乃曰儒林足以包道學道學不可以統儒林是不特沒是非之公且其所

考於司馬氏班氏范氏之儒林傳亦未詳其實矣夫通  
 天地人之為儒稱此名者非周程張朱莫屬也彼京劉  
 之屬曷足云然而其傳經之家法則京劉之屬有不可  
 沒者然則生漢宋之後而儒林道學不能不為立傳  
 固史家之通例亦史家之定例也

朱錫鬯史館上總  
 裁第五書書後

梓材謹案石士師諱用光字碩士一字實思亦字  
 石士江西新城人官至禮部左侍郎道光十五年  
 八月十三日卒於京邸宜興吳文學德旋為神道  
 碑云公之先自凝齋先生以宋儒之學為教陳州  
 恪遵其說公幼時習聞之言動必循禮法然治經  
 禾嘗墨守宋儒門戶凝齋先生諱道吾師之祖也  
 陳州吾師之考諱守詔字約堂石士師嘗為先考  
 行狀云凝齋府君為宋儒學晚以授吾舅氏魯山

木先生仕驥而居南昌時知名士如南昌彭文勤  
元瑞鉛山蔣心餘士銓武寧汪釐雲軻皆樂從擬  
齋府君遊因訂交於伯父恕堂府君及  
府君是皆吾師學問之先緒謹識於此  
梓材又案石土師爲馬一齋先生家傳自言少事  
魯山木先生言宋儒學長事姚姬傳先生言宋儒  
學是則吾師之師承也其爲山木先生文集後序  
云先生少從先大父凝齋府君研究儒先之書而  
獨喜象山陽明之學又爲惜抱軒經說後序云先  
生之於經不孤守宋儒而兼綜鄭馬以核其實不  
務言漢學而原本程朱以究其歸其於爲出主人  
奴之辨者則尤深疾而嚴辨之是二先生學術之  
異有如此而吾師於二先  
生與姚惜抱爲尤近云

宋元學案補遺卷一

目錄

安定學案補遺

安定先緒

胡先生訥

高平講友

補胡先生瑗

安定學侶

滕先生宗諒

王先生逢 附門人李瑋

補 阮先生逸

楊先生傑

司馬先生光 詳涑水學案

安定同調

陳先生之奇

孫氏師承

喬先生竦

滕氏先緒



滕先生高用

翁氏師承

劉先生滋

安定門人

補徐先生積

補錢先生公輔

補孫先生覺

補滕先生元發

補顧先生臨